

xxviii.

dreißig pfenning oder mer das er im die gelte. Vñnd ist das ein
 man den andern beklaget vmb gelt. vñnd ist er ein gast vñnd kommet
 er für gericht. der richter sol im richten als hie vor gesprochen ist
 wann des eines das man den gelter dem klager mit antworten soll
 auff dem gericht da es inne beklaget ist. Ob aber er mit ze gelten
 hat. er sol im schweren als hie vor gesprochen ist. Man sol niemā
 lenger vmb gült behalten den achttag. es enseye dan das er gült
 hab vñnd das von eigem willen mit geben welle. mag man das gült
 beweisen wa das ist. des sol sich der richter vnderwinden. vñnd sol
 es dem klager antworten. Vñnd ligt das gült mit in dem gericht da
 der gelter in beklaget ist. man soll in behalten vntz er des güttes
 dortt antwort. Vñnd mag man des güttes mit gezeügen mit bewey
 sen wa es liget. so sol man in nach den acht tagen lassen seen. Eyn
 man mag sein gelter zwirent ansprechen in dem iare. das er merer
 dan dreißig pfenning über sein notturfft gewinnē hab. wil er des
 leugnen. das thut er wol mit seinem eide. vñnd machet sy ledig. oder
 man überkomme in als hie vor gesprochen ist. Item man vor geri
 chte wettet vmb gelt. der sol warten vntz die sunne vndergeet. ob
 er ein gast ist. Vñnd ist er dan mit geweret. so sol im der richter ein
 pfandt geben vor nachtes. vñnd sol er das pfandt ze handt verset
 zen ob er mag. Vñnd mag er es mit versetzen. so soll er es verkauf
 fen mit gezeügen. Vñnd wirt im icht über. so sol er es im widerge
 ben. Besziffet im ichte. der richter sol das im widergeben von ye
 nes gült. Vñnd seind sy bey einander gefessen in einer statt oder in
 einem dorff. so sol er gerichtes warten vntz an den achtenden tage
 Vñnd gibet er im den nicht so die sunne vndergeet. so sol im der ri
 chter ein pfand gebē des morgens vor tercz zeit. da sol er mit wer
 ben als der gast. Item der richter pfendet nach der gewette. der
 ist im ein büß schuldig nach gütter gewonheit.

¶ Vñnd der vmb gülte klaget merck also.

¶ Vñnd beklaget ein man den andern vmb gelte auff dem landtge
 richt. dem sol man für bietten dreystund. Vñnd kommet er für. so
 sol er im sein gült geben oder wetten. vñnd sol im der richter gebiet
 ten das er im sein gült gebe. ee das er dannen komme. oder im per
 pfende mit bereitem gült das er getreiben vñnd getragen müs. Vñ
 hat er der pfand mit. so setze er bürgen auff achttag ze werende.
 Vñnd hat er der bürgen mit. so sol in der richter behaltē als hie vor
 gesprochen ist

¶ Der sein gült setzet zefluchtsale das merck also.